

Выходитъ
въ каждую среду.

Адресъ Редакціи и
Администраціи:
„ЛЕМКО“
Горлицы.

ЛЕМКО

Подписная цѣна на
газету „ЛЕМКО“

на цѣлый годъ:
Въ Австр.-Венгріи 4 К.
Въ Россію 2 руб.
Въ Америку 2 дол.
Поодинокій Н-ръ 10 г.
Объявленія по договору.

НАРОДНЫЙ ЕЖЕНЕДѢЛЬНИКЪ НА ЛЕМКОВСКОМЪ ГОВОРѢ.

Н-ръ 38.

Горлицы, среда (22. окт.) 9. октября 1913 года.

Годъ III.

С k. Sąd obwodowy w Jasle jako prasowy na wniosek с. k. Prokuratoryi Państwa orzeka по мысли §. 486. i 493. Ust. ze względów publicznych, że:

1) Treść zamieszczonego w Nr. 35, peryodycznego czasopisma drukowego: „Lemko“ z daty Gorlice, dnia 1. października (18 września starego stylu) 1913 artykuł z napisem: „Organy i bębny“ zawiera w ustępie od słów: „odzież żeby konieczno. aż do końca“ przedmiotową istotę występku z § 303 u. k.

2) zarządzona konfiskata powyższego czasopisma zostaje zatwierdzona, а cały zabrany nakład wewnętrznego arkusza tegoż czasopisma, w którym zamieszczono wyżej wymieniony artykuł ma być zniszczony.

3) zakazuje się rozszerzania inkryminowanego artykułu, względnie wymienionego ustępu powyższego artykułu — а zakaz ten ma być w formie ustawy przepisanej по мысли § 20 ust. prasowej ogłoszony w najbliższym numerze inkryminowanego czasopisma.

С. k. Sąd obwodowy O. V.

Jasło, dnia 6. października 1913.

(Підпись невыразный.)

Болякы Лемковщины.

На Лемковщинѣ нѣтъ села, въ котромъ не было бы мазепинця учителя. Не суть они до насъ посланы въ цѣли правдиво учить и просвѣщати насъ Лемковъ, лемъ на то они суть до насъ посланы, штобы вщепити въ наши дѣти страшну заразу: зраду и ненависть ко святой Руси, ко святой вѣрѣ православной, ко своему церковному обряду. Тоты отступники, запроданцѣ, мають за задачу впоити въ дѣти наши, же мы не руснакы, же мы не съ русского роду, же наша родина и мати не Русь, а Украина проклята; мають за задачу вгварити въ наши русски дѣти — же мы сыны зрадника и ренегата М а з е п ы мазепихы-украины, же наши братья въ Россіи то не суть нашими братьями, же на-

ша велика и славна Русь-Россія не есть наша кровь.

Памятайме братья Лемкы, же тыхъ учителѣвъ мазепинцѣвъ, котры таку страшну заразу ширять по нашихъ русскихъ селахъ, мы утримеме своима пѣнязьми, котры складаме на не при податку, мы утримеме ихъ на своимъ хлѣбѣ. Непозвольме имъ ширити той заразы, бо мы маме на то право, не позвольме имъ учить нашихъ дѣтей, розбивати и рабовати нашу русску совѣсть и вѣру. Невѣрте имъ якъ Юдѣ, бо они суть злодѣйомъ нашей русской идеи — нашей русской вѣры и нашей народности. Они, якъ разбойникъ-злодѣй въ бѣлый день нападаютъ на насъ и силою тамъ де имъ ся дастъ, забирають намъ нашихъ дѣтей русскихъ. — А такими злодѣями суть люде также и въ реверендахъ. Въ Новомъ Санчѣ есть такій бандита-злодѣй въ реверендѣ, котрый въ подлый способъ краде намъ русски дѣти и насиліемъ перетягатъ ихъ въ мазепинство. Тоты розбойники-мазепинцѣ уже такъ розпаношилися на нашей русской землѣ и уже такъ выпаслися на панскихъ охлалахъ — же што разъ голоснѣйше и яснѣйше придумують способы на наше снисченье. Еденъ мазепинець студентъ „фильозофіи“ написалъ книжку, въ котрой пише такъ:

„Яким способом маемо випоннити нашу задачу“ — то значитъ **знищити Русь?** и отповѣдать такъ:

„Систематичнымъ и политичнымъ вхованьемъ народа въ дусѣ програмы розъединенія. Брошурами, газетами, промовами, мусить розвинути ся въ краю широка — **противъ русскя агитація**“.

Вотъ братья Лемкы, читайте — што хотять мазепинскы учителя и ксьендзы. Имъ забаглося нашей рус-

ской кырви, якъ грѣшному бачови при смерти, бо безъ кырви чорного птаха, або звѣря, онъ не сконалѣбы, имъ забаглося нашей смерти — бо наше русске житье кладе во гробъ цѣлу ихъ Украину-мазепию и про насъ руснаковъ они жити а навѣтъ дихати не могутъ. Прото стережемсе тыхъ боляковъ мазепинцѣвъ, бо то суть запроданцѣ русского народа, бо то суть янычаре, ренегаты, вхованы при панскѣмъ ляцкѣмъ корытѣ — на нѣмецкихъ и польскихъ помояхъ и при ихъ помочи — при помочи прусскихъ марокъ они розбивають нашу Русь, нашъ найдорожшій скарбъ — святу вѣру.

Въ виду того, мы рускій народъ Прикарпатья — мусиме не жарть взыти ся до большой працѣ и отпорной политики. Мусиме разъ на всегда запамятати собѣ, же кто: сознательно або несознательно есть украинець-мазепинець тотъ стоить въ рядахъ смертельныхъ враговъ нашихъ. Чи то хлопъ чи панъ, чи учитель чи ксьондзъ, если онп зачнся до мазепинцѣвъ, то уже въ нѣякій способъ не може быти нашимъ пріятельомъ, лемъ ворогомъ и ворогомъ и то смертельнымъ ворогомъ.

Вотъ на доказъ приведу „гасло“ мазепинцѣвъ: „**Колиб ми не кинули усї нашї сили — які-б малї вони не були — на сторону противників Руси, то був би злочин перед нашою нацією і її будуччиною**“. Вотъ братья — „злочиномъ“ називають того якъ бы котрый мазепинець не посмѣлъ приложити ножа русскому мужику до горла. И то, видите добры люде, мають просвѣщати рускій народъ такы запроданцѣ-мазепинцѣ, мае рускій народъ слухати таку орду опришкѣвъ, котра го хоче обработати съ души и тѣла и убити въ бѣлый день.

Русский народ! Чи ты позво-
лишь гуляти безкарно такимъ пив-
камъ твоей крови? Чи ты не видишь
якъ тотъ дичь мазепинска сбыткуеся
во школѣ надъ твоими дѣтками?
Чи ты не видишь якъ дѣти плачучи,
съ пообдераними ухами вертають
со школы домѡвъ? Чи ты не видишь
якъ мазепинцѣ фабрикують съ тво-
ихъ дѣтей — съ твоей лемъ одной
надѣи и потѣхи, для котрой ты жи-
ешь и трудишься, досмертну калѣку?

Уже слѣпы видятъ — и глухы
слишать, што то ся не робить на
нашой родинѣ, нашой святой Руси.
Братя Лемкы, не позволѣме поштур-
ковати нашихъ дѣтей, нашу кровь,
не позволѣме заражатися нашимъ
дѣтямъ отъ паршивыхъ мазепѡвъ,
бо то нашъ отеческій обовязокъ —
бо то наша кровь въ жилахъ, яка
она бы тамъ не была зимна для на-
шихъ дѣтей, для нашихъ братѣвъ и
сестрѣ не смѣе позволити на то.

Ясно якъ на долони, же мазепы
хотятъ по нашихъ трупахъ дойти
до власти и славы и на Руси сбун-
дувати Польшу и Украинну. Недопу-
стѣмъ до того нечестія, снищимъ
тото гнѣздо шершенѣвъ — бо оно
грозить нашому житю

Всѣлякы выбрики чинены ма-
зепинскими учителями въ школѣ на
нашихъ дѣтяхъ, треба доносити на-
шой политической „Русской Радѣ“ во
Львовѣ — а кромѣ того до Рады
школьной окружной и жадати ука-

раня. Съ своей стороны наша „Рус-
ская Рада“ сбере потребный мате-
риалъ и предложитъ письмо въ Думѣ
державной во Вѣдни черезъ нашего
посла Маркова.

Вотъ наша штоденна задача —
цѣль котрой есть снищити мазепин-
ство въ самѡмъ зародку, посбытися
того боляка-гнояка съ нашего еще
съ панскихъ часѡвъ не загоеного
тѣла и змусити мазепѡвъ до respe-
ктованя предъ русскимъ народомъ,
змусити отступникѡвъ и здрадни-
кѡвъ выречися мазепинства, выречи-
ся всего того, штобы могло шко-
дити русскому народу.

Якъ война, то нехай буде на
цѣлой линіи война! А. Х.

Еденъ милліардъ на армію!

Таку лемъ сумму ухвалили наши
господинове министры на недавнемъ за-
сѣданію на новы войсковы выдатки. —
Лемъ еденъ милліардъ!

Теразь съ томъ ухваломъ пойдуть
до делегацій и до парламента и попро-
сятъ гардѣ заступниковъ народа, послѡвъ,
жебы они тото затвердили и южь есть
еденъ милліардъ.

Бо треба знати, же въ насъ каждый
министеръ военный — а змѣняютъ ся
они достъ часто — вынаходитъ новы по-
требы войсковы, яки его попередникъ
зенедавъ и жадатъ сейчасъ грошей для
ихъ поправленія або дополненія.

Еденъ милліардъ! Яке то смѣшне
слово и то нее ничъ въ томъ фантастич-
ного, лемъ цѣлкомъ реальне. Яки они
наивны тоты господинове министры! —

Зѡшли ся, погварили межи собомъ о всѣ-
лякихъ политичныхъ рѣчахъ, а въ концѣ
ухвалили еденъ милліардъ нового податку
на войско. Жебы такъ тоты господинове
министры подумали надъ томъ, откаль
бы взяти тотъ лемъ еденъ свѣжій мил-
ліардъ, та може бы зетримали ся съ по-
добными ухвалами.

Рѡкъ 1913 то рѡкъ нещастя, голоду,
бѣда въ краю, нее што ѣсти, ани за што
купити, ани навѣтъ нее где въ насъ за-
робити грошей, а ту въ самъ разъ лемъ
еденъ милліардъ просятъ отъ насъ госпо-
динове министры въ томъ рошѣ.

Та спытайте ся ихъ, на што тотъ
милліардъ? Отповѣдятъ, на войско и на
шифы...

Другій разъ спытайте ся ихъ, кто
имъ такъ каже ухвалити такы величезны
податки? Отповѣдятъ: Прусы.

Такъ, наша монархія есть связана
стислымъ союзомъ съ Германіомъ и съ
того то союза выплывають новы податки
войсковы, задля того то Австрія побѡль-
шае свое войско, буде новы военны
кораблѣ, бо Австрія хце што до силы
военной стояти на рѡвнѣ съ Германіомъ.
Мы лемъ ся призрїеме до статыстыкы,
порѡвнайме лемъ чысло мешканцѣвъ о-
бохъ тыхъ державъ, призрїеме ся на фи-
нансы ихъ, а будеме видѣти, яки велькы
жертвы Австрія приносить на олтартъ
германского союза.

Германія мае бѡльше мешканцѣвъ
якъ 70 милліонѡвъ, Австрія зась не дуже
вече отъ 50 милліонѡвъ. Германія мае
понадъ 11 милліардѡвъ готового гроша
въ своихъ кассахъ, а Австрія знаме кѡлько
ма: лемъ долги, долги, тай долги! А до
того додайме такъ бѣдны рѡкъ якъ тотъ,
што переживае и откаль ту намъ при-
ходить рѡвнати ся съ Германіомъ? откаль
ту взяти тотъ новый милліардъ? Хыбаль
пожычыти. Але где? — Франція, рынокъ
грошевый Европы, для Австріи замкнена,
то само дастъ ся повѣсти и о Англіи. —

В. Дж. Биркбекъ.

1)

Религійное преслѣдованіе въ Галичинѣ.

(Переводъ съ англійского С. Троицкого).

Въ червцѣ мѣсяцѣ с. р. въ Петербурзѣ
вийшла въ свѣтъ брошюра В. Дж. Биркбека
п. з. „Религійное преслѣдованіе въ Галичинѣ“
въ рускомъ переводѣ проф. С. Троицкого.
Въ ней приведены письмо В. Дж. Биркбека
въ редакцію „Times“ и описаніе путешествія
по Галичинѣ — впечатлѣнія отъ поѣздки въ
центры галицкого православія, разговоры съ
православными крестьянами и т. п. Въ „при-
ложеніи“ приведены: письмо гр. В. А. Бо-
бринского въ редакцію „Times“ — письма
оппонентѡвъ гр. Б. Степанковскаго, кн. Павла
Сапѣги, Гольдштейна и отвѣтъ В. Дж. Бирк-
бека на письмо Гольдштейна.

Содержаніе брошюры подамо полностью
въ кѡлькохъ фельстонахъ „Лемка“. — Ред.

ПРЕДИСЛОВІЕ.

Початково содержаніе той статьи
мало форму письма въ „Times“. Но при
дальшѡмъ ходѣ работы — она приняла
бѡльшіи размѣры, чѣмъ тѣ, въ котрыхъ
могла бы помѣстити ея яка-будь газета,
въ особенности въ настоящее время.

Для того я рѣшивъ написати корот-
кое письмо въ „Times“ — содержащее
лишь головныи положенія, а довшое пи-

сьмо съ гдѣякими додатками издати въ
видѣ брошюры. Выражаю благородную
признательность редактору „Times“ за
доставленіе менѣ возможности звернути
увагу тѣхъ его читателей, котрыи заин-
тересуются тимъ бѡльше подробнымъ со-
общеніемъ, а также и за его любезное
позволеніе перепечатати полностью по-
лемику, котрая появилася въ апрѣлѣ и
маѣ на его столбцахъ. Она буде помѣще-
на въ приложеніи въ концѣ той брошю-
ры. — „В. Дж. Б.“

Ноябрь 1912.

Письмо въ „Times“.

Религійное преслѣдованіе въ Галичинѣ.

Редактору „The Times“ 3 декабря
1912 р.

М. Г.! Я надѣяюсь, що въ памяти
вашихъ читателей, интересующихся во-
просомъ ближняго Востока, еще не из-
гладилася статья, помѣщенная 10 апрѣля
графомъ Владиміромъ Бобринскимъ въ
вашей газетѣ о религійныхъ гоненіяхъ
на малорусскихъ галицкихъ крестьянъ въ
Галичинѣ. 20 апрѣля и 27 мая вы помѣ-
стили опроверженіе на ню М. В. Степан-
ковскаго и князя Павла Сапѣги. — Всѣ

вишеупомянутыи особы просили о по-
ѣздцѣ безпристрастныхъ англичанъ въ
Галичину, чтобы на мѣстцѣ оцѣнити по-
ложеніе дѣла.

Яко англичанинъ, много лѣтъ глу-
боко интересующійся религійной справою
восточной Европы — я предпринявъ ту
поѣздку и недавно повернувъ изъ Гали-
чины. —

Я понимаю, що въ той часъ, коли
столбцы вашей газеты переповнены пре-
ніями въ парламентѣ и извѣстіями о вой-
нѣ, я не могу просити васъ, чтобы вы
помѣстили повное изложеніе моихъ спо-
стережень, но я надѣюсь, що позволите
менѣ рѣшительно подтвердить слѣдую-
щій заявленія графа Бобринскаго, запе-
речуванныи его противниками:

1) Въ Галичинѣ существуютъ 3^и,
милліоны русскихъ, говорящихъ по рус-
ски (russian). Три мѣстныхъ говоры, съ
котрыми пришлось менѣ встрѣтитися, не
отличаются одинъ отъ другого бѡльше,
чѣмъ іоркширское („Yorkshire“) нарѣчіе
отъ нарѣчія норфолькскаго („Norfolk“),
и ни одинъ изъ нихъ не отличаеся отъ
литературного русского бѡльше, чѣмъ тѣ
отъ такого же англійскаго. (Я разгово-
ривавъ не меньше чѣмъ съ 300 крестья-
нами або мѣщанами бѣдныхъ классѡвъ.
при чѡмъ мушу замѣтити, що русскій
языкъ — единственный изъ славянскихъ,

Американскы жыды южъ не пожычатъ, бо мають где инде лѣпшы интереса.

Въ такымъ труднымъ положенію не выходитъ инше зробити австрійскымъ дипломатамъ якъ отвернути ся отъ Германіи а глядати зближенія съ Франціомъ, Англиомъ а потомъ и съ Россіомъ. Треба бы австрійскымъ политикамъ змѣнити политику и у себе, дома, жебы Мадыре не поневѣрали ся на Славянахъ, жебы за православну вѣру не замикано до — арешту, а въ той часъ миллиарда не буде треба.

Збудте ся спіохи.

Писмо зо Львова.

Во Львовѣ теперъ бавлять ся панове. Того року, якъ люде въ декотрыхъ мѣстцяхъ пухнуть зъ голоду, якъ худоба падать хлопу въ стайни, во Львовѣ забавляють ся польски панове съ мазепинцами-льокаями. — Они нѣбы радять надъ хлопскомъ бѣдомъ, списують купу папѣра вымышляють розмаиты проєкта, нѣбы на то, жебы хлопви помочи, але отъ тыхъ проєктѣвъ и тыхъ радъ напевно хлопви скоро зъ хырбета зойде — якъ самъ о собѣ не буде мышлѣвъ.

Такъ оно все бывало, што николи никто за никого не робить, лемъ каждый самъ за себе. Якъ сой постелишь, такъ ся выспишь — повѣдають люде и святу правду повѣдають — а кто не вѣрыть, най ся на насъ приздрить. Недавно были выборы до сойму, и чтожъ мы робили? Ничъ, спализме барзъ добрѣ и смачнѣ. А наши вороги робили собранія, вѣча, писали протесты, высылали депутаціи, грозили, а якъ было треба то и выбили. И гнесъ они ся бавлять, по сальонахъ бесѣднують сой по пански, а мы дальше спиме, бо ищи зме ся добре не выпали. А уже остатній часть збудити ся, протерти

котрымъ я владѣю и могу засвидѣтельствовати — що они прекрасно понимали все то, що я говоривъ, и съ другой стороны трудность въ пониманіи ихъ для мене не була бѣльше той, котрую находить иностранецъ — хорошо изучившій англійскій языкъ, розговоряючи съ моими лѣсничими и садѣвниками въ Норфолькѣ).

2) Подъ польскимъ давлениемъ „вводятся тамъ въ уніятскую церковь новы обряды и обычаи, ненавистныи народу“. Уніятскій митрополитъ гр. Андрей Шептицкій стараеся всячески ихъ насаждати.

(Я чувъ восклицанія: „вовкъ, а не пастырь“, произносимыи по его адресу его же власными пасомыми — и навѣтъ многіи изъ цѣлкомъ преданныхъ Риму священникѣвъ заявляли, що онъ разрушае свою же церковь).

Тысячи людей покидають ею и переходять въ лоно православной Церкви.

3) „Уніятскіи священники, оставшіи ся вѣрными древному славянскому обряду, до которого всей душой привязанъ простой народъ, подвергаются жестокии преслѣдованіямъ“, православныхъ же священникѣвъ, навѣтъ уроженцевъ Галичины, всячески затравляють и замыкають наконецъ въ тюрьмы. — Православныхъ крестьянъ немилосердно карають за простое

очи и приздрѣти ся наоколо себе, што ся на Божимъ свѣтѣ робить.

Выборы до сойму того року для насъ вышли барзъ кепско. Мамае вшиткого одного посла дра Д. Маркова. — Правда, же при выборахъ діяли ся розмаиты „чуда“, але и того правда, же мы сами ничъ а ничъ выборами ся не интересували. А тоты выборы были для насъ барзъ важны, бо выбраны послы мають змѣнити теперѣшны выборы и ухвалити новы. Новы выборы будутъ и для насъ Лемкѣвъ мати велике значеня, бо и мы будеме могли выбрати своего русского посла.

Перше ищи якъ о значеню новыхъ выборѣвъ до сойму, хочу побесѣдувати о томъ — што и надъ чимъ радять въ соймѣ.

Соймъ есть то собраніе представителѣвъ зъ цѣлого краю, котры мають радити и ухвалювати права о школахъ, о громадахъ, яки тамъ мають быти порядки, о шупасахъ, о шпиталяхъ, о радахъ повѣтовыхъ и дорогахъ краевыхъ, о регуляціи рѣкъ, о полюваню и т. п.

Якъ каждый видитъ, вшиткы тоты права дотычатъ хлопа и нашъ русскій хлопъ подъ каждымъ взглядомъ въ тыхъ правахъ покривдженный.

Дороги въ нашихъ селахъ найподлѣйши; школь або есть барзъ мало, або якъ суть, та стари, а учитель гайдамаки-мазепинцѣ; рѣкы не зрегульованы што року робяють велики шкоды хлопомъ — забирають грунтъ, дорогу, нищатъ луки и т. д.

Жебы тому вшиткому хоць дакусь зарадити, треба старати ся радити, а не спати и ждати, жебы за насъ дакто другій зробивъ. — Теперъ мають змѣнити способъ выборѣвъ до сойму и побѣлшити число послѣвъ.

И такъ — до того часу вшиткихъ послѣвъ въ галицкомъ соймѣ было 161, зъ того было т. зв. „вирылистѣвъ“ 12,

присутствіе на православнои Богослуженію и „многимъ изъ нихъ, котрыи не въ состояніи сейчасъ уплатити кары, приходится продавати для уплаты кары свѣй скоть або навѣтъ теплую одежду“.

4) Австрійская конституція 1867 р., котрая признае совершенную свободу вѣроисповѣданій, „попрана ногами“. Галичинѣ дана автономія и постоянное бѣльшинство Полякѣвъ въ Соймѣ совершенно подчинило собѣ мѣстную администрацію и полицію. Навѣтъ въ австрійскомъ рейхсратѣ не можно найти помочи; на 120 депутатѣвъ изъ Галичины приходится 70 Полякѣвъ — котрыи держатъ рѣвновагу межи партіями и отъ вліянія котрыхъ зависитъ устойчивѣсть австрійскихъ министрѣвъ.

(Англія повинна изучити результаты автономіи въ Галичинѣ — чтобы у себе такой не завести).

5) Самоволя начальства уніятской церкви, а не пропаганда сосѣдного русского государства, являются причиной православного движенія. То доказуеся тѣмъ фактомъ, що 40.000 галицкихъ эмигрантѣвъ въ Америцѣ присоединились къ православной Церквѣ — чтобы спастись отъ латинизаціи.

Я мушу сказати относительно православныхъ крестьянъ въ Галичинѣ, съ котрыи я бесѣдувавъ, що они — до-

то есть такихъ послѣвъ, котрыхъ никто не выберать, лемъ за то, же суть выдѣлкыма урядниками, суть уже и посланы. До такыхъ належатъ три гр.-кат. бискупы — медже ними и бискупъ Костіо въ Перемышля. Решту, то есть 149 послѣвъ выбераютъ люде, але треба ся приздрѣти якъ и кто ихъ выберать?

Выборы дѣлять ся на 4 куріи. Въ першій куріи, котра выберать 44 послѣвъ голосують сами дѣдичи — котрыхъ въ цѣлій Галичинѣ есть 2.440, отже 55 дѣдичѣвъ выберать одного посла.

Въ другій куріи т. зв. торговельно-промисловій 225 выборѣвъ выберать 3 послѣвъ, значить, же 72 выборѣвъ выберать одного посла, Тоты три послы мають быти представителями гандлю и промыслу.

Въ третій куріи т. з. мѣской, въ котрій голосують вшиткы мѣщане, выбераютъ 28 послѣвъ. Вшиткихъ, котры въ той куріи голосують есть 123.480, значить, же 4,410 выборѣвъ выберать одного посла. Ту треба зазначити, же не вшиткы мѣста належатъ до мѣской куріи. Наприкладъ Змигородъ, Дукля, Рыманѣвъ належатъ ажъ до четвертой куріи. — Въ третій, т. зв. мѣской куріи голосують ищи вшиткы мѣщане сами.

Инакше мае ся справа въ четветій куріи, до котрой належатъ сами хлопви. Тота четверта, такъ звана хлопска курія выберать 74 послѣвъ. Вшиткихъ хлопѣвъ котры въ тій куріи выбераютъ есть — 1,370.800, значить, же на одного хлопского посла голосуе ажъ 18.200 выборѣвъ. Тоты выборѣвъ не сами голосують, а выбераютъ на такъ званныхъ правыборахъ своихъ заступникѣвъ, котры доперва идуць до повѣтового мѣста и тамъ голосують.

Каждый видитъ, же таки выборы суть несправедливы, бо коли кѣлькохъ панѣвъ выберать сой посла — то треба

брыи, лойальный народъ. — При своей ненависти до Полякѣвъ-угнитателей, они всегда говорятъ о австрійскомъ императорѣ, своемъ Цѣсарѣ, съ бѣльшою преданностью.

Они не измѣнились съ 1848 р., коли они боронили его палату передъ вѣдѣнскими повстанцями.

Посылаю Вамъ для освѣдомленія подрѣльное изложеніе дѣла, котрое вскорѣ буде издано въ формѣ брошюры и котрое я съ удовольствіемъ пришло каждому изъ вашихъ читателей, интересующихся тимъ тяжкимъ — и труднымъ вопросомъ.

Вашъ покорный слуга
В. Дж. Биркбекъ.

(Дальше буде.)



ажь поверхъ вѣснадцеть тысячей хлопѣвъ, жебы такого самого посла выбрати.

Люде уже отъ давна старали ся — жебы тото право выборче до Сойму змѣнити, бо прецѣ Господь Богъ вшиткыхъ людей сотворивъ еднакыми и рѣвными, та и права для вшиткыхъ мають быти еднаковы, але панове, котрымъ ся барзѣ добрѣ поводити, и котрыхъ въ сеймѣ есть бѣльшисть, не хотѣли въ жадець способъ згодити ся — жебы тото право змѣнити и ажь якъ видѣли, же буде зле, же покривджены люде готови сами взяти ся до нихъ и силомъ имъ тото право выдерти, зачали по кусцѣцька попущати.

Польски панове зачали ся торгувати и замѣсть того, жебы справедливо зреформувати тото право, зачали съ каждымъ партіомъ особно бесѣдувати и торгувати ся. — Русски ренегаты, або такъ званы куцохвосты мазепинцѣ, котры для ока нѣбы хотѣли справедливой реформы выборчого права и въ сеймѣ грали на трубахъ, жебы не дати радити польскимъ посламъ, тайкомъ вели гандель съ польскими панамы.

О томъ, же масепинцѣ ведутъ съ Поляками торгъ, никто изъ хлопѣвъ не зналъ и лемъ теперъ тото вшитко вышло на верхъ, мазепинцѣ згодили ся, же достануть 62 послѣвъ.

Така згода здавала бы ся на око для русского хлопа добромъ, бо товдѣй, якъ торгували ся о тоту реформу вшиткыхъ послѣвъ русскихъ и мазепинскихъ въ сеймѣ было 24. Але то лемъ на око тота реформа была бы для насъ добромъ, бо якъ бы ся русски хлопи вшиткы до купы взяли, та могли бы выбрати 40 послѣвъ, то значить одну четверту вшиткыхъ послѣвъ. Тымчасомъ нове выборче право мало признавати для Руссакѣвъ 62 послѣвъ, але и Полякамъ признавало замѣсть 120 послѣвъ ажь 166, значить число русскихъ послѣвъ побѣльшало бы ся о 20—22 послѣвъ, а число Полякѣвъ о 46—48 послѣвъ.

Наши русски послы запротестували противъ такой польской справедливости, зажадали — жебы нашъ русскій народъ дѣсталъ стѣлько послѣвъ, што и Поляки и заявили, же абсолютно за такомъ реформомъ выборчого права голосувати не будутъ.

Але и Поляки не згодили ся на тотъ проектъ выборчого права, бо для нихъ и тото што нѣбы Руссакамъ давали — здавало ся за дуже и за то сеймъ розвязали и назначили новы выборы.

При новыхъ выборахъ польски панове взяли ся на штучки и при помочи жандармѣвъ, розмаитыхъ посѣнакѣвъ и своихъ льокаѣвъ мазепинцевъ постарали ся, жебы нашихъ послѣвъ, котры хотѣли справедливой для хлопа реформы выборчого права, до сейму не допустити.

И въ самѣй рѣчи наши кандидаты впали — але вина по части и по нашій сторонѣ, бо мы ничъ а ничъ сами не робили, не устроювали вѣчь, ани собраній, а лемъ спокойно зме спали.

Теперъ на ново зачали ся панове бавити во Львовѣ и нѣбы то радятъ — надъ реформомъ выборчого права. Тотъ новыи проектъ выборчого права признае и для насъ Лемкѣвъ еденъ посольскій мандатъ.

И такъ русски хлопи, котры жиють въ повѣтахъ: **Грыбѣвъ, Горлицѣ, Ясло,**

Коросно, Березѣвъ, и села, котры належать до суду въ **Мушинѣ,** выбираютъ **едного русского посла.**

Нѣбы для такихъ лѣнтаевъ, якъ мы, котры ничъ а ничъ въ томъ керунку не робилизме, и тото добре, але и ту уже насъ кривдять. Вшитки новы проекты выборчого права повѣдають, же Руссакы мають голосувати лемъ на Руссакы, а якъ бы котрый Руссакъ голосувавъ на Поляка, або жида, та тотъ голосъ неважный. Но а дежъ суть русскы села, котры належать до повѣтового суду въ Новѣмъ Санчи и въ Новѣмъ Торзѣ? — Тоты села будутъ мусѣли голосувати на Поляка. Такъ быти не повинно и такъ не буде, якъ ся сами наши хлопи возмутъ до работы.

Жебы лѣпше зрозумѣти тоту кривду, яку намъ хотятъ зробити, треба собѣ пригадати, кѣлько то русского народа жие въ тыхъ повѣтахъ.

И такъ, якъ выказуе урядовый списъ людности въ повѣтѣ Новый Торгъ есть 2.173 Руссакѣвъ, въ сандецкомъ повѣтѣ 17.013, въ грыбѣвскомъ 9.257, въ горлицкомъ 19.683, въ ясельскомъ 7.529, въ короснянскомъ 12.629 и въ березѣвскомъ 12.374 Руссакѣвъ — значить вшиткыхъ Руссакѣвъ въ тыхъ повѣтахъ есть **80.658** людей.

Але треба знати, же то лемъ тоты порахованы, котры при концѣ 1910 року якъ были спискы, были дома, а не порахованы суть тоты, котры въ тотъ часъ были въ Америцѣ, або де инде, такъ же вшиткыхъ Руссакѣвъ въ тыхъ повѣтахъ треба рахувати на **120—140 тысячей.**

Такому числу людей належать ся два мандаты — и длятого треба заразъ взяти ся до работы. Работа тота такъ ся повинна представляти:

1) Въ селахъ Лабова, Угрынь нижній и вижній, Лабовець, Котѣвъ, Маѣева, Складисте, Ростоки, Барновець, Чачѣвъ, Новавесь, Шляхтова, Явѣрки, Бѣловода и Чорновода — треба заразъ зробити собранія и едногогосно ухвалити резолюцію, въ котрѣй жадае ся, жебы тоты громады прилучили до **РУССКОГО** сеймового округа выборчого.

2) Въ вшиткыхъ другихъ селахъ хлопи сходятъ ся на собранія и ухвалютъ резолюцію, въ котрѣй домагають ся — штобы Руссакы въ повѣтахъ: Новый Торгъ, Новый Санчъ, Грыбѣвъ, Горлицѣ, Ясло, Коросно и Березѣвъ выбрали **не едного посла, але ДВОХЪ** — бо ся имъ тѣлько належить.

Тоты собранія треба заразъ всадывай робити — а резолюции списаны на чистѣмъ папери и подписаны презъ председателя собранія и секретаря треба выслати подъ адресомъ:

Русская Рада, во Львовѣ, ул. Валовая 14.

Писма зъ резолюциями треба дати на почту за рецписомъ.

Резолюции найлѣпше такъ ухвалити: Собравши ся селяне села (написати село) одногогосно требуютъ — штобы Выскай Сеймъ при ухвалюваню нового выборчого сеймового закона, призналъ для русского насленія повѣтѣвъ Новый Торгъ, Новый Санчъ, Грыбѣвъ, Горлицѣ, Ясло, Коросно и Березѣвъ **ДВА** посольски мандаты — а протестуютъ противъ того, штобы русскы села, котры належать до повѣтового суду въ Новѣмъ Санчѣ и

въ Новѣмъ Торзѣ прилучати до польского выборчого округа.

(Написати назву села и день собранія). —

Подпись председа- Подпись секретаря
теля собранія собранія

Отъ Редакції газ. Лемко.

Просиме о каждомъ собранію насъ повѣдомити, жебы зме въ нашѣй газетѣ надрукували. — Просиме тѣжъ подавати намъ, кѣлько меньше бѣльше было на собранію людей.

Оголошеня.

Новый Санчъ.

Очередное годовичное **ОБЩЕЕ СОБРАНИЕ** членѣвъ Общества — „Русская Бурса им. В. Мѣйского“ въ Новѣмъ Санчѣ состоится дня 1 н. ст. ноября т. г. (т. е. въ день лат. празд. Всѣхъ свѣтыхъ) въ 11 час. утра, въ собственномъ домѣ по Ягеллонской ул. 37, по слѣдующей программѣ:

- 1) Открытіе собранія и выборъ президіума на время совѣщаній.
- 2) Чтеніе протокола изъ послѣдняго общаго собранія.
- 3) Докладъ о дѣятельности О-ва.
- 4) Докладъ провѣрочной комисіи.
- 5) Рѣшеніе абсолюторіума правленію. —
- 6) Матеріальное обезпеченіе бурсы.
- 7) Возможная перенѣна устава и продажа недвижимостей общества.
- 8) Избраніе нового правленія на г. 1913/14.
- 9) Предложенія и запросы членѣвъ.

Если бы въ 11 час. не явилось уставомъ предписанное число членѣвъ, состоится въ тотъ же день 1 н. ст. ноября, въ 12 час. дня, второе собраніе уже независиме отъ числа присутствующихъ членѣвъ (§ 14 уст. О-ва).

Правленіе обращается съ просьбой ко всѣмъ членамъ, которые интересуются дѣлами бурсы, чтобы многочисленно явились на собраніи.

Отъ Правленія О-ва Русская Бурса им. В. Мѣйского въ Н. Санчѣ.

Дрв. А. П. Гассай, И. С. Пилатъ,
предсѣд. за секрет.

Благодареніе.

На „Русскую Бурсу“ въ Горлицахъ пожертвовали дерево — на огороженъе бурсы громады:

Устье русское, Климовка и Бѣлянка.

Всѣ громадяне, ихъ начальники и Рады гѣхъ жертволюбивыхъ громады изволятъ симъ принять за ихъ великій, народный даръ наше все-народно высказанное сердечне благодареніе.

Вообще каждый, кто особенно потрудился для того народного дѣла, а въ первой мѣрѣ г-нъ Антонъ Гумецкій изъ Устья русского, изволятъ принять за свой патриотичный трудъ сердечное русское спаси Богъ!

Правленіе
Русской Бурсы въ Горлицахъ.

НОВОСТИ.

Отъ Редакціи. Съ нынѣшнымъ ну-меромъ будеме печатати въ фельетонѣ брошюру г. Биркбека. Просиме протое почтенныхъ читателѣвъ векшу увагу звернути на слова англійского публицисты, якъ то о насъ преслѣдованыхъ Лемкахъ за православно вѣру пишуть въ далекихъ культурныхъ краяхъ.

Съ царства гр. Шептицкого. — Въ серпнѣ т. р. во Львовѣ 33 особъ перешло съ обряда грѣко-католицкого на обрядъ римо-католицкій. Въ томъ числѣ 18 мужчинъ а 15 женщинъ. Не дивно, бо польскы бискупы сѣдять на мѣсци, а нашъ бавить ся въ вагабунду — и вандруе по свѣтѣ, хце навернути Болгаръ на католицизмъ, а ту съ подъ его крылець втѣчуть его власны души.

Гр. Шептицкій кандидатъ на „патріарха гр.-кат. обряду“. — Украинцѣ, котры видять, же ихъ паства уніяцка съ каждымъ днемъ малѣе, задумуются надъ томъ, якбы тому зарадити, а клерыкальны ихъ газеты „Нива“ и „Руслан“ приходятъ имъ съ помочию и радять выбрати особы духовны и мірскы, выслати ихъ до папы, представити му, яке бѣдне есть ту положеніе уніяцкой вѣры и попросити го — жебы Шептицкого назначивъ „патріархомъ для гр.-кат. обряду“.

И они мазепинцѣ не знаютъ ищи того, же Римъ власне есть тымъ, што сотворивъ унію — мостъ переходовый на латинскій обрядъ!

Зо страху онѣмѣвъ. Въ Колошварѣ арештовано одного злодѣя, што поповнивъ кражу. — Якъ го привели передъ полицію, то такъ ся зострашивъ, же заразъ онѣмѣвъ. Привели до него сейчасъ лѣкарѣвъ и дали му лѣкарства, але то ничъ не помогло — злодѣй цѣлкомъ онѣмѣвъ.

Польскій патріотъ хтѣвъ Австрію продати. Недавно тому львовска полиція арештовала выбитного польского патріоту Кржеменецкого — котрый организовалъ польскихъ повстанцѣвъ и подбурявъ ихъ до повстаня противъ Россіи.

Тымчасомъ теразъ го полапали и преконали ся, же Кржеменецкій нарокомъ черезъ Россію бывъ подмовлений, жебы подбурювавъ Поляковъ противъ Россіи, жебы въ тотъ спосѣбъ бѣльше скомпромитувати Поляковъ въ неудачѣ.

Яко начальникъ повстанцѣвъ доносивъ онъ Россіи о найдрѣбнѣйшихъ рѣчахъ войсковыхъ Австріи, а за то получалъ велькы пѣнязѣ.

Въ остатнѣмъ часѣ доносятъ газеты, же въ Станиславовѣ арештовано еще его спѣльника, урядника колѣйового, котрый рысувавъ для него пляны. Зѣзнаня его суть обтяжаючи Кржеменецкого.

Украинцѣ біють ся по своихъ мордахъ! — Страшній скандалъ сталъ ся въ одной першорядной кавярнѣ львовской передъ кѣлькома днями. Было тамъ барзъ дужо гостей рѣжныхъ народностей и — были заняты чытаніемъ газетъ.

Ажъ ту нагло повстае шумъ, галасъ, стукъ. Всѣ звернули ся очами до одного стола, а тамъ редакторъ украинской газеты „Діло“ г. Весоловскій чеше правдиво по мазапинскы — украинску морду Яцкова.

Причина того мордобитя крые ся въ томъ, же г. Яцківъ, яко философъ-

литератъ украинскій чувъ ся ображенимъ черезъ отвѣтственного редактора „Діло“-а г. Панейка, же въ своей газетѣ выступивъ противъ него.

То дало причину его нападенія на редактора, а г. Весоловскій лемъ отдававъ за свого колегу Панейку, бо онъ южъ не мѣгъ.

Вотъ культура украинска!

Новы вооруженія Австріи. На подставѣ згоды меже правительствомъ австрійскимъ и венгерскимъ подвысшено армію о 31.300 людей.

Причина того лежитъ въ томъ, же недалека минувшѣсть показала, же бракъ есть войска въ пограничныхъ краяхъ — задля чого муситя все въ часѣ якого замѣшаня покликувати резервистѣвъ.

Друга причина увеличенія арміи въ томъ, жебы поправити конну артилерію, въ чѣмъ другы державы — якъ Россія, Германія и Франція — давно лишили Австрію по задѣ.

Шпегы въ Перемышлѣ. Въ недѣлю тамту пошли два инженеры перемышлькы вразъ зо своими женами и дѣтми — на спацеръ и зашли ажъ на замокъ. Тамъ до нихъ прилѣтуе воякъ — и кричитъ: „гальтъ!“ Небожатка поставали — а за хвильку выдѣли ся оточеными черезъ цѣлый отрядъ вояковъ съ офицеромъ во главѣ. Ничъ не хтѣвъ си дати говорити офицеръ, лемъ цѣлы двѣ родины оточены патрульомъ веде на полицію, а и быдний псикъ одного инженера ишовъ — яко шпегъ меже вояками. Доперва инспекторъ полиціи, якъ познавъ въ шпеггахъ своихъ добре знакомыхъ, перепросивъ ихъ гардѣ за нечысте дѣло, яке на нихъ доконало войско.

Польскы засъ газеты доносятъ, же съ Россіи выслано цѣлый regimentъ войска до Галичины для ознакомленя ся съ нашими мѣсцевостями.

Въ околицѣ Перемышля злапано 2 солдатѣвъ 65 полка, котры сказали, же ихъ ту веце выслано съ цѣломъ офицерскомъ комисіомъ.

Письмо русского хлопа.

Слава Иисусу Христу!

Дорогы Братя и Сестры! — Велику бѣду гнеска преживае, бо не тѣлько, же не будеме груль и капусты мати, але и того лихе зеренце и сѣнце на полѣ згниле заледво зме позберали, але и такъ не всѣ и не шытко, абы мали по чѣмъ дикы гарцовати, бо ани не пристае, ани дощъ не позволятъ. — Но наши власти якоси не барзъ турбують ся тымъ, же намъ голодомъ смертьомъ грозить, не старають ся о то, жебы тоту звѣрну отъ насъ даде прогнати, вынищити — жебы нашу кырваву працю не пожерала, бо имъ барже ся росходить о диковъ, о того для насъ нещасне лѣсове крайове богатство, якъ о насъ.

Не зважають на то, же мы высше положены грунта нашы не годны поправити, бо хоць ихъ поправиме, то лемъ для диковъ, але зато на часѣ розослани циркуляры за податками, а жебысь ты газдо въ разѣ не выплачыня позбыль ся остатной своей жывины, котра тя мае кормити молокомъ и твои дѣти.

Имъ не страхъ, же ты бѣдаку можешъ пѣти зо свѣта, зараженный голо-

довымъ тифусомъ — бо втовды за твоѣй податочокъ лѣкары будутъ мати добры діеты, а нотаріуше и кассы податковы (штейрамты) тѣжъ по заду не остануть.

Такъ милый брате, люба сестро — не достъ же ты зо шыткихъ странъ бѣда гнете, то ти такъ якъ на доплатокъ тоты сильны міра сего, тоты твои непрошены опѣкуны, тоты твои заѣлы ворогы, они то зо страху милый брате о тебе, жебы ты зо своей бѣдомъ потѣмъ до пекла не пошовъ, они то, якъ кажу, зо страху о твою душу, поставили ти достойныхъ архіереѣвъ, котрыхъ смѣло можешъ порѣвнати до тыхъ, котры за часѣвъ ассирийскихъ и римскихъ куповали сой за грошы тото высоке и грошедаине становиско, абы потомъ для выгоды и приподобаня ся своимъ поганьскимъ панамъ, сами впроваджували до Ерузалимского храма мерзость. Они не зважали на законъ Богомъ Мойсейови данный, бо имъ ся о грошы и политику розходило, такъ якъ и нашимъ архіереямъ такъ само ся росходить о грошы, гоноры и политику, а о церковь имъ байдуже. Они по примѣру тыхъ старозаконныхъ (передъ пришествіемъ Иисуса Христа) — архіереѣвъ поставити тамъ на престолѣ, де Иисусъ Христосъ есть, ваала хотять и молити ся за всѣхъ турецкихъ правѣрныхъ мыслятъ и такъ кричати, якъ за жидѣвского царя Ахава жрецъ отъ рана до вечера кричали: ваале, ваале выслухай насъ!

Длятого буде вамъ дороги братя ясно, чомъ наши архіереѣ не хтятъ правдивыхъ патріотѣвъ и опѣкунѣвъ народа до семинаріи пріймувати и на священникѣвъ высвящати, але пріймуютъ не народлюбцѣвъ, але украинскихъ народолупцѣвъ, котры не зважають на Христовъ законъ — такъ якъ и старозаконны на Мойсеевъ не зважали, але лемъ на то — жебы мати грошы. — Але не унываймо братя, живый есть Христосъ Богъ нашъ, котрый скрутивъ посторонки и выгналь съ церквѣ Ерузалимской купуючихъ и мѣняючихъ.

Онъ силенъ и гнеска есть выгнати съ церквѣ своей святой, съ того винограду, котрый Онъ самъ насадилъ негодныхъ своихъ слугъ и — заступити ихъ иншыми.

Тымъ часомъ вспѣльными силами братя боронимъ — святой православной вѣры нашой, боронимъ святого нашего и такъ славного обряду, боронимъ нашой и такъ намъ дорогой національности — а если всѣ достаточно и честно будеме ся боронити, то врата адова насъ не преможутъ, бо Христосъ есть съ нами.

Будте здоровы.

Петро Подлѣсный.

Съ господарства.

III.

Въ каждой урожайной земли знаходится веце або меньше вапна. Кедъ есть земля така — въ котрой окремы пѣску, глины и порохнявки — знаходится вельо вапня, таки землѣ звутся землями вапняными. — Землѣ, въ котрыхъ есть не барзъ вельо вапна, а при томъ есть въ нихъ досить вельо глины, зведе маргlistыми землями.

Маргль бивають глинясты, глинокваты, пѣсковаты, ведля того — што в нихь перемагать глина ци пѣсокъ. Маргель змочены водовъ розплыватся мякне, якъ высохне збиватся въ грудки и твердне, але тоты грудки сами отъ себе розсыплются, чѣмъ отрѣзнятца отъ глины, котра збившися въ грудки не розсыпатся. — Марглю уживатся съ великимъ skutкомъ до поправки грунту глинястого и пѣскового. —

Коренѣ рослинь суть у еднихъ — коротки, якъ у зерень, травъ; у иншихъ суть довги, якъ у гороху, коничу, буракѡвъ. Коренѣ зерна и травъ розрастаются у верхней верствѣ землѣ — котра есть плугомъ, мотыкомъ ци лопатомъ зрушувана, инши рослины запускають кореніе глубоко въ версты плугомъ николи не зрушуваны. Тоту верхню землю зрушувану плугомъ зведемъ почвою, родючою землею, подъ котромъ есть подпочва. — Гатунокъ подпочвы вельо впливаєть на доброту почвы. — Знаме, што глинясты землѣ суть звычайно вѣльготны, бо вельо намакають и въ собѣ тримають долго вельо воды.

Коли але подъ глинястомъ почвомъ есть подпочва пѣскова, або зъ рѣны — товды вода перетѣкатъ, а грунтъ такій може быти и сухи, коли зновъ противно подъ пѣсковомъ почвомъ буде подпочва неперепущаюча або трудно перепущаюча воду на пр. тяжка глина або скала, то таки грунтъ буде малъ достъ вѣльготи, ба, часомъ може быти за мокри.

Рослины черпають зо землѣ кормъ свой концами корѣнцѣвъ. — Коренѣ рослинь потрѣбують и повѣтря въ земли; отъ якости отже подпочвы залежить вельо ци коренѣ рослинь будутъ мати недостаткомъ повѣтря, а не за мало, або за вельо воды. — Видиме отже, же для розвою рослинь глубши версты землѣ мають велике значенье и што якость подпочвы вельо впливать на доброту почвы.

Урожайна земля складатся, якъ выше мы навели съ чотирохъ головныхъ складниковъ: пѣску, глины, вапна и порохнявки. Окромъ тыхъ головныхъ складниковъ знаходится въ земли желѣзо, розмайти соли минеральны — а то соли фосфоровы, потасовы, содовы, соли квасу сѣркового и т. п. — Тыхъ складниковъ есть вправдѣ барсь мало въ земли, але они суть барсь важны, бо рослины зъ нихъ побирають для себе поживѣнье.

Якость и вартость якогось грунту, ци свого, ци при купнѣ, можеме по части оцѣнити по его зверхности и по рослинахъ, яки на нѣмъ роснуть. Коли на выораной роли свѣтять скибы — а не розсыплются, то грунтъ глинясты; коли скибы по кельохъ дняхъ по выораню розсыплются, то грунтъ марглисти або вапняни. Коли выореса мокру скибу, а она розсыплеса, то грунтъ пѣсковы.

Чимъ меньше на выораномъ полѣ груды, чимъ меньше поле въ часѣ посухи зсыхатся и пукать, тымъ меньше въ немъ глины. Чимъ меньше въ часѣ орки глина чипатся плуга, тымъ меньше есть на томъ поли глины и вапна и противно чимъ веди чипатся зрядовъ при оброблюваню, тымъ веди есть глины, ци вапна.

Бѣлая барва землѣ вказуе, што въ нѣй есть вапно або гипсъ, но часами и глина може быти бѣлая; жовта або си-

нява барва землѣ доводитъ, што тамъ есть желѣзо; брунатна и чорна барва землѣ оказуе на порохнявку. — Чорна земля на низинахъ мочароватыхъ есть доказомъ торфу.

По рослинахъ можна также познавати землю. Де удаеся добрѣ, взглядно, де дико росне бѣла, жовта коничина — люцерна, тамъ есть вапно. — На доброй земли росне лобода, осеть, дресень. — Щавій росне на земли убогой въ вапно; осоки, сосонки, сѣтникъ, росне на мокрѣмъ грунтѣ. — Жито, татарка, грулѣ, роснуть на лекшихъ грунтахъ; пшеница удаеся найлѣпше на глинястихъ грунтахъ.

Буйни взростъ рослинь и зелена барва листьа оказуе на грунтъ богати и урожайни. — Кулька улѣплена зъ мокрой глины шмарена на землю приплочится але не попукаеть, кулька съ глины приплочится и попукаеть. Глина розтирана межы пальцами выдаеся тлустомъ, зернять пѣску не чути — глина натомѣсть не тлуста, а зернятокъ пѣску чути.

(Дальше буде.)

Письмо Ваня Гунянки до Америки.

Слава Иисусу Христу!

Мои дорогіи Американе!

Не написавъ я до Васъ южь давно, а певнѣ хочете знати, што ся въ насъ, въ Вашомъ старомъ краю дѣе?

О чомъ же Вамъ писати?

Та южь о иншомъ нѣ, якъ о бѣдѣ, бо бѣда въ насъ. Компери ся не вродили, чыстинка планна, бо зо слоты, съ млинка шитко втѣче, а якъ тоту капку — што подъ млинкомъ йостане молоти, та засъ во млинѣ повъ зостане, а што ся домѡвъ принесе, та ни на стеранку, ни на чырѣ, ни на хлѣбусъ. Планне!

Теперь въ насъ часъ кермешовый, але не такы то кермешы, якъ по иншымъ рокамъ...

По иншы роки были кнышы, выи колачы, была буця, сѣпѣвали по иншымъ рокамъ:

„Кермешъ“, кермешъ, Богъ тя

(створивъ,

Давно я ся на тя строивъ:

Забивъ быцька и теличку...

Вышовъ „кермешъ“ на пятничку.

А теперь, мой Боже, выйде кермешъ и въ недѣлю и въ вѡвторокъ и въ субботу, нема телички, нема быцька, бо треба на податокъ продати, бо перше хто плативъ пятку, та того року ничъ лемъ пять пяттокъ!..

Бодай имъ Богъ не памятавъ нашей кривды!

Та якъ такъ будутъ съ тымъ податкомъ подскакувати — та треба опустити тотъ грунтъ геть!

Зато намъ якисый „белеушъ“ выдумали, повѣдають — же хто обыйде три разы наоколо церкви, отправитъ польскы супликаціи и дастъ пѣнязѣ на „папу“ — то хоць бы мавъ только грѣховъ, якъ шыткы люде на цѣломъ свѣтѣ, то доступить отпусту!

На шытко теперь май пѣнязѣ: на податокъ, на муку, на ксендза, на керпцѣ, на гуньку, шытко купъ — и ищи и небо

собѣ купъ, бо теперъ така мода — же выдумали якисы „белеушы“, на котрыхъ можешъ собѣ отпустъ купити...

Гваряеть, же безъ того есь хлопе пропавъ, будешъ въ пеклѣ горѣвъ.

А продае тоты отпусты папа за — „Петрѡвъ грѡшь“.

Иисусъ Христосъ и св. Петро ходили колиси босо — а посмотме мы на Ихъ бѣдного „намѣстника“ въ гресныхъ часахъ. — Вычитавъ я въ одной книжцѣ, кѡлько мавъ папа доходу и розходу за тамтотъ рокъ. Послушайте:

Доходъ зо своихъ добрѣ	875.000 К
Процента отъ папскихъ капиталѡвъ	6,000.000 „
Дары и жертвы бѣдныхъ люди	2,500.000 „
Петрѡвъ грѡшь	12,000.000 „
Разомъ	21,375.000 К

Словами: Доходу — дватцетъ оденъ миллиѡновъ, триста сѣмдесять пять тысячи коронѣ.

Росходы:

Кардыналамъ	875.000 К
На воякѡвъ, льокафѡвъ, кухаркы	3,970.000 „
На розмаиты книжки	1,250.000 „
На „kościół“ св. Петра	780.000 „
Разомъ	6,875.000 К

Словами: росходу — шѣсть миллиѡновъ, осемсотъ сѣмдесять пять тысячь! Значить, зостало му съ тамтого одного року на чорну годину — пѡвпянатцета миллиѡна!!

Боженьку коханий — што то за грѡшь! Та мы такъ теперъ бѣдуемъ, не маме што ѣсти, а папа съ одного року только пѣнязи. Што бы зробивъ Иисусъ Христосъ або св. Петро, якъ бы мавъ только миллиѡновъ — а видѣвъ, же люде гинуть съ голоду? Но повѣчте люде! — Ци бы св. Петро на потѣху голодныхъ назначивъ „белеушъ“, жебы отпусты купували? Христе Иисусе, а Твоя Божественна наука де?

Не буду дальше о томъ писавъ, бо мя сердце болигъ, а иегомосьць до мя на каждѡмъ казаню здравкають. Пийте сами иегомосьць, пийте, мате за чѣмъ, мѣ вашого не треба и пити не буду, бо немамъ за чѣмъ. За томъ юхомъ зо Стеранкы? Вамъ добрѣ здравкати, мате о чѣмъ — груль вамъ до мяса выстарчить — а въ мене въ пивници люфтуе.

Писали до мя съ редакціи, жебымъ ся звернувъ до Васъ, Братя Американе, бысте были такы добры прислати намъ пренумерату, хто ищи залѣгать и всякы жертвы, котры суть назбераны на нашъ фондъ **найдалше до половины грудня**, подъ адресомъ: **Редакція „Лемка“ Горлицѣ** — бо не можеме звести кѡнцѣ съ кѡнцами. Видите папа мае такы миллиѡны а Петрѡвъ грѡшь зберать, а мы бѣднятка бѣду латаме, якъ можеме, поможе-же намъ, поможе.

Поздоровямъ всѣхъ барсь краснѣ, най Вамъ Богъ благославить на дѣточкахъ и на зарѡбку, будте мѣ здравенькы. Ба почкайте, Вы може незнате, же въ нашихъ горахъ снѣгъ — а въ долинахъ такъ зимно, же до рукъ хохаме, а дѣтьомъ „украецѣ“ съ носѡвъ висять.

Ваньо Гунянка.

**Поглядайте въ обыстю
старыхъ книжокъ и листовъ!**

Стары книжки и листы, писаны
рукомъ и друкуваны, всякого рода
и содержания, — якъ то: церковны
книги и поученія, житія святыхъ,
пѣсни, исторіи оповѣданкы, хоць бы
были и цѣлкомъ подерты и побабраны,
просиме барзъ гардѣ прислати
намъ подъ адресомъ:

Редакція „Лемко“ Горлицы.

СВОЙ ДО СВОГО!

РУССКЕ ТОРГОВО-КРЕДИТНЕ ОБЩЕСТВО

„НИВА“ ВЪ ЛЬСКУ

об-во зарегистр. съ огран. пор.
Рѣкъ основаня 1911.

Ручательны фонды 200.000 К.

Принимать пнязѣ на ошадность уже отъ 1 К.
и платитъ 5% а по особнои умовѣ и 6%.

Дае нежички на скрыта и вексли.

Вислатъ просто зъ фабрики або зо свого
магазину свѣтло церковне и столове марки
„АПОЛЛО“ въ скринкахъ отъ 30 Кор.
и высше, отъ цѣны фабричныхъ остунае
12 проценти скидки. Для купцѣвъ и крамницъ
особны оферты.

Принимать цѣловаговын заказы на пшучны
навозы якъ томасина, суперфосфатъ и др.
отстунаетъ высокій рабать.

При „НИВѢ“ въ Лѣску

открыло Тов. „РИЗНИЦА“ комисійный складъ
товаровъ церковныхъ, а то: фелоновъ, стиха-
ровъ, хоруховъ, иконъ процес., чашъ, пате-
риць, крестовъ, кивотовъ, лѣхтаровъ, пауковъ,
книгъ богослужебныхъ, молитвослововъ, об-
разовъ, Праноровъ для „Русскихъ Дружинъ“.

Стари ризы и сосуды принимае „НИВА“
до отновленя.

Вшитко што входитъ въ банковый и тор-
говый кругъ переводитъ оборотномъ почтомъ.

„НИВА“ ВЪ ЛЬСКУ
Ринокъ 92 — власный домъ.

ПРОСИТСЯ О ЖЕРТВЫ

на

„ЛЕМКОВСКИЙ НАРОДНЫЙ ФОНДЪ“

Жертвы посылати на адресъ:

„ЛЕМКО“

ВЪ ГОРЛИЦЯХЪ.

СЛАВІЯ

БАНКЪ ВЗАИМНЫХЪ ОБЕЗПЕЧЕНІЙ въ ПРАЗѢ
Головне заступниц. для Галичины и Буковины
во Львовѣ, Коперника 30 I. п. Тел. 1338.

а) обезпеченія житъовы, а именно обезпеченіе капитала на випадокъ
дожитья або смерти, обезпеченіе вѣна для дѣти, обезпеченіе рентъ пожизнен-
ныхъ и то або за одноразовомъ вкладкомъ, або за рѣчными вкладками и т. д.
Потрѣбны тарифы сп примѣрами на жаданье высыламе бесплатно;

б) обезпеченія огневы, вѣдъ шкодъ причиненныхъ пожаромъ, громовымъ
ударомъ взрывомъ и т. д. До обезпеченія принимаются будынкы, движимости,
живый инвентарь, збѣже въ столахъ, стиртахъ, оборахъ, шпѣхлѣрахъ и пр.;

в) обезпеченія шибъ шклянныхъ и зеркальныхъ, передъ розбитьемъ,
або ушкодженьемъ;

г) Обезпеченія противъ крадежи съ вломомъ, въ закрытыхъ помѣще-
няхъ або хранилищахъ. Тото отдѣленіе важне для церкви, кассъ пожичковыхъ
конторъ, библиотекъ, музеевъ, торговель и частныхъ особъ, занятыхъ по бѣльшой
части поза домомъ, нараженныхъ наибѣльше на грабежи.

Ликвидациі исполняются безотлагательно при участіи мужѣвъ довѣрія и
знатокѣвъ съ всею точностию и совѣстностию.

Въ мѣстцяхъ, де ищи нѣтъ заступництвъ банка „СЛАВІЯ“, удѣляеся такимъ
особамъ грамотнымъ, трудолюбивымъ и совѣстнымъ за рекомендаціомъ
Общества им. Мих. Качковского во Львовѣ.

Вшиткыхъ информаций штося тычитъ обезпеченій, якъ тѣжъ формулярѣвъ
до выполнення, удѣляе безотлагательно и бесплатно Головне Заступництво
банка „СЛАВІЯ“ во Львовѣ, вшиткы заступництва по провинціи, якъ тѣжъ
„Страховое отдѣленіе“ при Обществѣ им. Мих. Качковского во Львовѣ,
ул. Валовая 14. I. п.

Резервны фонды банка „Славія“ выносятъ высше 53,000.000.

Банкъ „Славія“ выплатилъ
за цѣлый часть своего
существованья за
шкодоы и платны ка-
питалы К 115,390.603
Фонды банка осягнули К 53,758.285

Маеокъ банка составляетъ К 52,694.648
Въ 1910 р. вплачено пре-
мій и вкладокъ К 11,956.668
Громадамъ и сторожамъ
огневымъ удѣлено
запомогъ К 248.938

**Фондъ емеритальный заступниковъ банка „СЛАВІЯ“
выносить 793.180 коронъ.**

Краевый адвокат

Д-ръ СЕМЕНЬ С. БУЛИКЪ

въ МУШИНѢ

пренюсъ

адвокатску канцелярью

до свого дому напротивъ аптыкы.

**РУССКОЕ ЛЕМКОВСКОЕ
КРЕДИТНОЕ ОБЩЕСТВО**

**„НАДЕЖДА“
ВЪ КРЫНИЦѢ**

принимаетъ вклады, отъ которыхъ пла-
титъ 5% съ полугодичною капитали-
забією.

„НАДЕЖДА“ въ КрыницѢ — даетъ
ипотечныи займы и займы подъ
довговныи листы на 7%.

„НАДЕЖДА“ въ КрыницѢ — даетъ
вексельныи займы на 8%.

„НАДЕЖДА“ въ КрыницѢ — платитъ
рентовую податъ — изъ своихъ
фондовъ.

„НАДЕЖДА“ въ КрыницѢ — пере-
писуеся съ банками въ АмерицѢ,
— за шо не побираетъ жадного
вознагражденя.

Канцелярля „Надежды“ открыта
ежедневно отъ 9 ч. до 1 ч., за
исключеніемъ недѣльи русскихъ
праздниковъ.

СВОЙ ДО СВОГО!

Кредитное Общество

ЛЕМКОВСКАЯ КАССА

общество зарегистровано съ огран. пор.

въ ГОРЛИЦЯХЪ

принимать пнязѣ на ошадность

и платитъ отъ нихъ 5%.

Пожичкы дае на 7%.

СВОЙ ДО СВОГО!

Надѣли сой мазепинцѣ козацку одеджу,
Тай лемковску съ крикомъ-гукомъ преступили между.
Хтѣли вѣру „иначе“ русскость закопати
Нашу святость одобрати а свою намъ дати



Лемъ-же лемкы ся збачыли, бо тварь не козацка,
Але „пика“ Русь-здрадника „льокайско-нѣмецка“
А съ такыма русскы лемкы никусь не шпасують...
Неборакы „мазепинцѣ“ съ йойкомъ отлѣтують...

САТИРА, ГУМОРЪ, ЗАБАВА.

Въ панѣства.

Пріѣхала до одного села нова учителька.
(Меже панѣствомъ есть такій звычай же новы одвиджають старшихъ, давнѣйше тамъ замешкалыхъ — а звать тото: „Ити съ визитомъ“.)

Такъ и тота панѣ учителька пошла на клѣбанію съ томъ „визитомъ“; приходитъ до сѣнѣ.

Выходятъ молоды ѣмосць и звѣдуються:

„Цо собѣ панѣ жычы?“

Панѣ учителька забыли языкъ въ гамбѣ, та мы за нихъ отповѣме:

„Хлѣба!!!“



Украинцѣ гварять меже собомъ.

- А ку...
- А шо?
- Еге!
- Але?!
- Богъ ме!



Кася и Марыся.

Кася: Чого плачешъ Марысю?

Марыся: Та якъ не мамъ плакати? Отъ часу якъ мого капраля пренесли до кавалеріи, то такъ коньомъ пресмердѣвъ, же не можъ коло него вытримати.

Кася: Ей глупа! Я мамъ иши векшій фрасунокъ. — Мого форысыца дали за „шмирака“ до кухнѣ, та теразъ напевно мя пошмарить, бо южъ ма тамъ жерти по уха...



Думка вдовы.

Якій былъ — то былъ, але добръ было же былъ; якій буде — то буде, але иайже южъ разъ буде!

Незадоволений.

- Штожъ жесь доставъ за тыхъ шесть срѣбныхъ лыжокъ?
- Пять мѣсяци.
- То мало! Не выходитъ навѣтъ штыри тыжиѣ на одну лыжку.



Въ судѣ.

- Чи свѣдокъ стану вольного?
- Нѣ, пане сендзьо.
- Чи панѣ есть замужна?
- Нѣ, пане сендзьо.
- Розведеномъ?
- Нѣ.
- Та може вдовомъ?
- Нѣ.
- Чымъ-же панѣ есть до чорта?
- Вдовомъ, але такомъ, што мужъ иши жиѣ.



Въ редакціи.

Шмуль приходитъ до редакціи и гварить:

Панѣ редакторжу, я пришло простувати.

Што панѣ ма простувати? пытать го редакторъ.

Въ паньски газета былъ вчера написане, же я достало на рынку колька разбѣвъ по мордже.

Та можете не достали? — гварить редакторъ.

Та достало, але не колька разбѣвъ, лемъ разъ!



Мудры pytania.

Чомъ когутъ, якъ сѣпѣвать, очы замыкать?
(Бо зна на память.)

Якого въ морѣ найвеце камѣня?
(Мокрого.)

Мудрый хлопъ.

На улицы, полицай до хлопа, котрый на его видокъ скоро съ возомъ втѣкать.

Полицай: Стати!

Хлопъ: Што есть?

Полицай: Чомъ сте завадили о тотъ вѣвъ трамвайовый и... змусилисте го до пристанку?

Хлопъ: Ту го машъ! А панѣ полицай денно сто возбѣвъ фуртъ затримую, а я ничъ не гварю.



Зо школы.

Еденъ професоръ украинскій выголосивъ разъ до своихъ ученикѣвъ барзъ патриотычну мову — котру закончивъ словами:

„И што то буде по моей смерти?“

„Вольне!“ — крикнувъ еденъ съ ученикѣвъ.



ПОЧТА.

Ваньо Гунянка. Ritter Косцьо приславъ Лемка „retour“.

А мистеръ Фецько въ Боснѣ, въ Сераево „айнцигы“ тне.

А мѣ гевъ барзъ зимно, цибысь не привюзь мѣ фуру дровъ съ Кычери.

Павель Дудичъ, Питсбургъ, Америка. Пренумерату достализме, все по Вашой мысли полагоджено, а за книжками удайте ся до Львова, О-во Качковского, Валовая 14.

Семень Коваль, Бракенъ, Америка. За книжками удайте ся якъ выже.

Прокопъ Тузь, Ансонія, Америка. Газету, о котру упоминаете ся, послали зме на поданный Вами адресъ.

Грицо съ подѣ Шыбеничного верха. Зо скриптами южъ разъ полагодте ся меже собомъ.

Егомосьць съ Перегримки. — Мы южъ хцеме мати конецъ съ тыми неприятностями, яки намъ поводуете черезъ конфискацію Лемка, подписчикамъ нашымъ.